

360.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 360 8° (LN 791)





073

Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 360 8° (LN 791)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 360 8° (LN 791)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 360 8° (LN 791)

N<sup>o</sup> 360.



= Z dk 791  
M

ASSERTIONES  
DE  
V T I L I B V S E T  
P E R N I C I O S I S P R A E-  
dictionibus futurorum euentuum, qui-  
bus interseritur tutissimæ ratio  
expectationis futurorum,  
propositæ in disputa-  
tionem

à

Nicolao Hemmingio  
in  
Iunio, Anno Domini 1569.

HAFNIAE  
Excudebat Laurentius  
Benedictus  
1569.

25705822

THE VERITV

OF THE CHURCH

OF CHRISTIANITY

IN THE ENGLISH

VERSION

BY JAMES

THE FIFTH EDITION

WITH A HISTORY OF

THE CHURCH OF ENGLAND

BY JAMES

THE SIXTH EDITION

WITH A HISTORY OF

THE CHURCH OF ENGLAND



## I.

**N**ECESSERE est Ecclesiam recte institui de utilibus & perniciosis prædictionibus futurorum euentuum: ne vel securè contemnat utiles & laudabiles prædictiones, vel superstitiose inuoluntur perniciosis prænunciationibus in contumeliam Dei, & in propriam perniciem.

## 2.

Ut autem recte discernamus inter utiles & perniciosas prædictiones: causas earum imprimis obseruare oportet: vnde iudicium pendet & certitudo.

## 3.

Omnis proinde prognosis seu futurorum euentuum prænunciatio, uel originatur à prima causa immediate, vel à secundis causis naturalib⁹, uel aliunde,

A 2      hoc

hoc est, vel à Diabolo, vel ab homine.

4.

Prognosis siue præcognitio oritur  
à prima causa, cum Deus per inspira-  
tionem, siue quocunq; alio modo reuelat  
hominibus futuros euentus. Et hæc  
præcognitio dicitur Prophetica.

5.

Est autem hæc præcognitio Pro-  
phetica ideo certissima, & dignissima  
cui fides habeatur, quia autorem habet  
DEV M, qui omnia futura tanquam  
præsentia, in suo æterno videt.

6.

Huius Propheticæ prædictionis  
v̄sus est maximus, vt quæ certitudi-  
nem doctrinæ Ecclesiæ humanis men-  
tibus obsignet.

7.

Nam cum vident homines euentus  
longis-

longissimè antea signatos respondere  
prædictionibus Prophetarum, confir-  
mantur de autore Deo, & doctrinam  
quam Prophetæ proponunt, diuinam  
esse statuunt: præsertim cum eandem  
multiplices patefactiones diuinæ, mi-  
racula plurima, consensus Mosis, Pro-  
phetarum, Christi, Apostolorum, con-  
seruatio Ecclesiæ in tantis furoribus  
Diabolorum & hominum, & obsig-  
natio veritatis in cordibus Sanctorum  
per Spiritum sanctum, confirmant.

## 8.

Prognosis siue præcognitio quæ  
pendet à secundis causis, quas natura-  
les vocamus, Prognosticis quibusdam  
nititur, hoc est, signis futurorum euen-  
tuum.

## 9.

Hæc autem prognostica & signa  
A 3 futuro-

futurorum euentuum sunt triplicia  
(pro quorum varietate certitudo eti-  
am variat ) videlicet *terrena*, *caelestia*,  
*erratica*.

10.

*terrena* demonstrationem & sci-  
entiam pariunt, & sunt causæ quæ ne-  
cessitate *Physica* agunt, & constanter  
& semper suos effectus producunt.

11.

*Hæc prognosis propter constan-*  
*tiam causarum Apodictica dicitur.*  
*Hac Mathematici prædicunt sine er-*  
*rore Eclipses futuras. Vnde patet*  
*quanta laus sit Mathematicæ doctri-*  
*næ, quando intra suos terminos manet.*

12.

*Huius apodicticæ præcognitio-*  
*nis usus est, ut agnoscamus totius uni-*  
*uersi autorem Deum esse, qui certis le-*  
*gibus*

gibus gubernat hanc cœli pulcritudinem, ut illum agnoscamus, agnitum colamus ac prædicemus. Quemadmodum Paulus docet Roma. I. Ideo in Actis Apostolicis de Deo dicitur: Ἐκ πλάνης τοῦ οὐρανοῦ ἐκτὸν αφῆκεν.

## 13.

Signa quæ εἰκάσια dicuntur, nec demonstrationem nec scientiam pariunt, Sed coniecturam tantum, ut plurimū tamē verā. Nam sunt causæ quæ producunt suos effectus, non necessariò et semper, vnde fit, quod interdū frustrentur suis effectib⁹, impedientib⁹ occultis causis. Dicitur autē hæc præcognitio, probabilis.

## 14.

Hac probabili coniectura freti Mathematici, pluuias, siccitates, tēpestates, grassaturos morbos, interitus animalium, frugū, vini, et aliarū rerum

A 4

copiam

copiam vel defectum prædicunt, non  
sine magna suæ artis commendatione.

15.

Huius probabilis præcognitionis  
usus est, ut homines suas operas rectè  
distribuant, ne tempestate imminente  
nauta soluat: ne agricola faciat instan-  
te pluia, quod requirit siccitatem: &  
morbos imminentes aptis præseruati-  
uis anteuerteramus.

16.

Erratica signa sunt, quæ nec de-  
monstrationem pariunt, nec veram  
coniecturam faciunt, nec causæ sunt  
propriæ actionum humanarum aut  
euentuum prosperorum vel aduerso-  
rum, & errant ut plurimum. Et quia  
rarò, idq; casu euentus respondet, dece-  
ptionem & vanam spem hominibus  
credulis injiciunt.

Hinc

17.

Hinc erronea illa prognosis gene-  
thliacorum nascitur, qui gloriantur se  
fortunas hominum & eventus ex horo-  
scopis prædicere posse.

18.

Hi tametsi vera interdum prædi-  
cunt : tamen ipsa prædictio fallaciam  
perniciosa habet annexam. Nam ho-  
mines qui istis nugis fidem adhibent,  
paullatim abducuntur à verbo Dei,  
præmissionibus & cominationibus  
diuinis diffidunt, varijs implicantur  
erroribus : donec laqueis Sathanæ im-  
pediti, religioni ipsi renuncient, etsi  
non apertè & verbis, occultè tamen  
& animo.

19.

Hoc periculum animaduertentes pij  
gubernatores politiarum & Ecclesia-

A 5 rum

rum, legibus cauerunt & pœnis, ne quis  
eſſet, qui hanc deceptoriam artem pro-  
fiteretur, quæ corruptela est morum  
pugnans cum verbo Dei & professio-  
ne Christiana.

20.

Fuerunt quoq; inter Ethnicos, sa-  
pientes homines, qui hanc vanitatem  
in suas respublicas non admiserunt. Et  
Gellius acuto dilemmate eam exagi-  
tat. Ita enim ait: Aut aduersa euen-  
tura dicunt, aut proſpera. Si dicunt  
proſpera & fallunt: miser fies fruſtrā  
expectando: Si aduersa dicunt & men-  
tiuntur, miser fies fruſtrā timendo. Si  
vera respondent, eaq; sunt non proſpe-  
ra: iam inde ex animo miser fies, ante-  
quam è fato fies. Si fælicia promit-  
tunt, eaq; euentura sunt, tum planè duo  
erunt incommoda, & expectatio  
teſſei

te ſpeſi ſuſpenſum fatigabit, et futurum  
gaudiſ fructum ſpes tibi iam defloraue-  
rit. Nullo igitur paſto vtendam eſt  
iſtiuſmodi hominibus res futuras præ-  
ſagientibus.

21.

Etsi autem corporum & humorum  
affectiones ex tempore conceptionis &  
ortus coniectare interdum poſſunt Ge-  
nethliaci: tamē cum cauſae propriae euē-  
tuum humanorum, quoad ſuccesſū pro-  
ſperū et aduersum in negotijs et uita at-  
tinet, non pendent à tempore conceptionis  
et ortus: decipiūt ſtultos homines Gene-  
thliaci, q̄ illorum fortunas aſtris ſubi-  
ciunt. 22.

Nam cūm cauſae futurorum euē-  
tuum in hominibus ſunt duæ: vide-  
licet, prouidentia diuina & volun-  
tas humana, & neutra ſubijcitur  
imperio

imperio astrorum, profecto stultū fuerit & perniciosum ex vna particuliari causa, eaq; inferiore, impotentiore, ne dicam erronea determinatè colligere effectum repugnantibus causis principibus, proprijs, prædominantibus, et vna agentibus efficaciter.

23.

Infiniti homines concipiuntur eodem tempore, & in hanc lucem eduntur, maximè dissimiles & fortuna & moribus.

24.

Jacob & Esau vna concipiuntur, qui tamen nec fortuna nec moribus fuere similes.

25.

In eodem sæpe prælio multa hominum millia cadunt, in eodem naufragio ingens multitudo hominum perit, quibus

bus aptare eundem horoscopum, quid  
quæsō stultius esse poterit?

26.

Pius ergo homo cogitans de futu-  
ris sibi vel prosp̄eris vel aduersis, in-  
tueatur primum prouidentiam Dei,  
quæ nunquam pugnat cum promissio-  
nibus & comminationibus diuinis.

27.

Hæc prouidentia postulat plura:  
primum ut nos totos Deo commendem-  
mus, eum timeamus, inuocemus et præ-  
dicemus. Deinde ut securè contemna-  
mus quicquid nobis mundus vel Sa-  
thanæ mancipia minantur. Tertiò  
ut respiciamus ad ipsius promissiones  
& minas. Promittit enim prosp̄era  
qui se diligunt, minatur aduersa se non  
diligentibus. Impij, ait Salomon, non  
dimidiabunt dies suos.

Has

28.

*Has promissiones & comminatio-  
nes diuinæ euertunt, quantum in se est,  
qui euentus hominum suis horoscopis  
subijciunt.*

29.

*Neg<sub>e</sub>t quod voluntatem hominis  
subijciant astris. Nam hoc esset opus  
Dei destruere, Deum autorem peccati  
facere, proæres in tollere, verbum Dei  
negare, Spiritum sanctum legibus Ge-  
nethliacorum subijcere.*

30.

*Huic Genethliacorum vanitati  
affinis est diuinatio lege Dei damnata  
videlicet, cum homines enthusiastæ se  
plenos diuinitate simulant, & astutia  
quadam Sathanica interdum futura  
coniecant.*

31.

*Fit*

Fit autem hæc perniciosa diuinatio  
multis modis, videlicet per exta pecu-  
dum, auguria, sortes, colloquia cum  
dæmonibus, &c.

32.

Nam dæmones aliquando prædi-  
cunt, quæ ipsi facere decreuerunt, in-  
terdum ambiguitate ludunt, nonnun-  
quā ex signis naturalibus breui futura  
coniectant. Fieri etiam potest, vt ali-  
quando prædictiones Prophetarum  
sequantur & vt suas proponant, vn-  
de fit quod euentus saepe respondeat.

33.

Sed caueat sibi Christianus ne se  
sinat à Sathan illudi: quod promis-  
simum erit, si vel minimum defle-  
xerit à verbo Dei ad vanita-  
tem diuinatoriam.

FINIS.

Fit

etiam in his dicitur quod dicitur in libro  
deuteronomio capitulo 32 versus 37  
quod dicitur deus tuus in terra et in celo  
et in mari et in terra

¶ Et dicitur in libro deuteronomio 32  
versus 37 quod dicitur deus tuus in terra  
et in celo et in mari et in terra  
et in mari et in celo et in terra  
et in mari et in celo et in terra  
et in mari et in celo et in terra

¶ Et dicitur in libro deuteronomio 32  
versus 37 quod dicitur deus tuus in terra  
et in celo et in mari et in terra  
et in mari et in celo et in terra  
et in mari et in celo et in terra  
et in mari et in celo et in terra

21 VIII

360.